



UNIVERSITÄTS-
BIBLIOTHEK
PADERBORN

**Scientia Salvit̃s, Sive Considerationes Piæ, Præcipuam
Spiritualis Vitæ Materiam complectens**

Laberhittel, Samuel

Ingolstadii, 1660

215. feria 6. de reliquis decem impedimentis in bello contra vitia.

[urn:nbn:de:hbz:466:1-59837](https://nbn-resolving.org/urn:nbn:de:hbz:466:1-59837)

Feria 5. Dom. 6. post Pentecost. 385
cuntur homines ad referendam victoriam
à vitijs. Ex eodem Hugone. Petam eos in-
telligere, & evitare.

Conf. 1. Errorem 7. cominus cum hoste
pugnare, quò fiat fortior, cum dicatur: *Fu-
gite fornicationem, 1. ad Cor. 6. 8.* Velle
contraria non curare contrarijs, sed simili-
bus, ignem extinguere non aquâ, sed igne:
Iram irâ, cum scriptum sit: *Neli vinci à malo,
sed vince in bono malo.* Ad Rom. 12.

Conf. 2. Errorem 9. clypeo perforato se
tegere, hoc est, malorum exemplo se tueri, à
quibus discere deberemus fugienda, non
imitanda. 10. Sumere animos ex casu alio-
rum, hoc est, majorum exemplo malo.

Conf. 3. Errorem 11. Repugnare, cum se-
curius sine ictu vincere possimus, v g. tan-
tùm sufferendo, juxta illud Exod. 14. *Vos ta-
cebitis, & Dominus pugnabit pro vobis.* Et
Luc. 21. *In patientia vestra possidebitis animas
vestras.* 12. Errorem: Se ipsum hostili gla-
dio transverberare, ut Saul directo ictu in-
latus. Lib. 1. Reg. 31 Dæmon ictum appli-
cat, sed non ultra procedit, nisi tu volens in
gladium irrueris: igitur subtrahe cor.

MEDITATIO CCXV.

Feria 6. Domin. 6. post Pentecost.

*De reliquis decem impedimentis in
bello contra vitia.*

R

Aspiciam

Aspiciam illecebras, abundantiam copiarum, delicias, quæ ante hominem ceperunt, ut eum tentarent. Petam agnoscere obstacula victoriæ, & evadere.

Cons. Ut stultitia militum impedit victoriam in bello temporali, ita & in spirituali. Porro hæc stultitia est, si milites non sint in acie bene dispositi, sed ita loco diffusi, ut se invicem adjuvare non possint: Ita in temptationis conflictu stultitia est, si vires habeant distractas, aliud voluntas velit, aliud appetitus inferior, huicque potius intellectus serviat, quàm illi.

2. Stultitia est: Si miles ab Imperatore, & à se ipso dissentiat, sic, si ab amore Præsidum, & proximorum se segregem, quorum rationibus, exemplis, adhortatione in temptatione juyandus sum, non mirum, si temptatione vincar.

3. Stultitia: Exercitum imparatum esse, arma necessaria non sumere, & in loco periculoso, ac minimè munito sine timore manere; sic imperitia est in spirituali bello, si me negligentem, & imparatum inveniat.

4. Adversarijs viam aperire, & cum hostibus fœdera jungere, qui irruentes, & proditores, & proditos, aut in servitutem redigunt, aut interimunt. Sic stultum est temptationi januam consensûs aperire, & cum hostibus
animam

animæ, id est, cum peccato foedus inire.

5. Si milites laboriosè ac periculosè cum hoste luctantur, quem possent sine suo periculo subijcere: Si enim hostes siti, fame, aut morbo laborent, stultum est cum illis confingere, cum sine sanguine victi esse possint; sic stultum est importunas aliquas tentationes, quæ solo contemptu vinci possent, molestiâ corporis, fractione capitis, & gestibus, signisque externis velle fugare.

6. Stultitia est: Si milites non utantur contrarijs in bello, quæ possunt conatibus adversariorum obistere, ut, v.g. si hostes castra incendunt, non extinguas; si murum diruerunt, non restaures; sic spiritualis miles carne ardente concupiscentiâ, si ieiunio, cilicijs non extinguat, stultus: Stultior, si convivijs, mollibus vestimentis, illecebrosâ conversatione foveat.

7. Oneribus, quæ cursum, & pugnam impediunt, ad bellum procedere, & arma ponderosa supra vires gestare: sic delirant, qui exercitia spiritualia supra vires accipiunt.

8. In ipso conflictu arma abijcere, & hosti se spoliandum, ferendum, occidendum offerre: talia faciunt non perseverantes in resistendo, sed desperabundi, si non prima resistantia fugerunt tentationem.

9. Non resistere in locis aptioribus; qua-

R 2 lia

388 *Sabbato Dom. 6. post Pentecost.*

lia faciunt occupationes sacras relinquentes, & secularibus se tradentes.

10. Sifara inermi capite interijt: sic imprudentes impetuntur, juxta illud August. Epist. 82. *Initium sine providentia, & finem cum penitentia.*

MEDITATIO CCXVI.

Sabbato Domin. 6. post Pentecost.

B. Virgo Refugium contra vitia.

Aspiciam Divam à vitijs hâc hebdomadâ consideratis, & erroribus immunem, quia plenam gratiâ, in regno virtutum residentem. Petam ejus beneficio ab iisdem liberari.

Conf. 1. Quomodo vitia sint turpiora nihilo, quia multa vult Deus nunquam esse, quæ tamen, ut sint, velle potest: sed peccatum esse, non potest unquam velle: cum ergo vitium sit contrarium voluntati Dei, quæ est summa sanctitas, & pulchritudo, non est possibilis major deformitas, & turpitudine, quam sit vitij. Excandescam hîc contra fontes vitiorum hæctenus consideratos.

Conf. 2. Quomodo Diva ijs caruerit, quæ & fomite, & peccato originali libera semper extitit, adeoque fuit in regno rationis ejus pulchra semper tranquillitas, imperium mentis supra potentias inferiores imper-

curba-